



08-05-2026

Bosnia and Herzegovina  
Federation of Bosnia and Herzegovina

CANTON SARAJEVO  
ASSEMBLY

Bosna i Hercegovina  
Federacija Bosne i Hercegovine  
J.U. "KANTONALNI CENTAR ZA SOCIJALNI RAD"  
SARAJEVO

Broj: 01-04-24273-7/26  
Sarajevo, 05.05.2026. godine

Broj: .....  
Datum: 05. 05. 26. god

**-VLADA KANTONA SARAJEVO**

**-MINISTARSTVO KULTURE I SPORTA KANTONA SARAJEVO**

**-MINISTARSTVO UNUTRAŠNJIH POSLOVA KANTONA SARAJEVO**

**-MINISTARSTVO ZA RAD, SOCIJALNU POLITIKU, RASELJENA LICA I IZBJEGLICE  
KANTONA SARAJEVO**

**GU "KANTONALNI CENTAR ZA SOCIJALNI RAD" SARAJEVO**  
**Ul. Gatačka 80**

**PREDMET:** Zastupnička inicijativa, dostavlja se –

**Zastupnice Jelena Pekić i Danijela Kristić** u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), na 30. radnoj sjednici Skupštine Kantona Sarajevo, održanoj dana 05.05.2026. godine, u okviru tačke Dnevnog reda "Poslanička/zastupnička pitanja, inicijative i odgovori", uputile su zastupničku inicijativu koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

**Prilog: Zastupnička inicijativa**

Pripremila: Dženita Džeb  
Kontrolisala: Amela Smilagić-Čamdžić



**PREDSJEDAVAJUĆI  
SKUPŠTINE KANTONA SARAJEVO**

CO:

- sekretar SKS
- sekretar Vlade



**Zastupnica Jelena Pekić**  
**Zastupnica Danijela Kristić**

Sarajevo, 05.05.2026. godine

**ZA:**  
**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**SKUPŠTINA KANTONA SARAJEVO**  
**n/r Predsjedavajućeg Skupštine Kantona Sarajevo**

U skladu sa članom 214. Poslovnika Skupštine Kantona Sarajevo, postavljam:

### **ZASTUPNIČKA INICIJATIVA**

**Za:**  
**Vlada Kantona Sarajevo**  
**Ministarstvo kulture i sporta Kantona Sarajevo**  
**Ministarstvo unutrašnjih poslova Kantona Sarajevo**  
**Ministarstvo za rad, socijalnu politiku, raseljena lica i izbjeglice Kantona Sarajevo**  
**Kantonalni centar za socijalni rad**

Da se uspostavi kontinuiran program unapređenje prevencije nasilja nad ženama kroz masovnu edukaciju, samoodbranu i javne kampanje

### **OBRAZLOŽENJE:**

Svjedoci smo da se u Bosni i Hercegovini u posljednje vrijeme bilježi povećan broj teških oblika nasilja nad ženama, uključujući femicid i učestala krivična djela nasilja u porodici, gdje su žene najčešće žrtve. Ovi slučajevi ukazuju na potrebu sistemskog djelovanja u oblasti prevencije kako bi se unaprijedila njihova sigurnost i spriječile tragične posljedice.

Femicid predstavlja najteži oblik nasilja nad ženama, koji često proizlazi iz dugotrajnog porodičnog ili partnerskog zlostavljanja. Njegovo suzbijanje zahtijeva koordinisan i sistemski pristup, u kojem ključnu ulogu imaju institucije, ali i programi osnaživanja žena.

Stoga predlažemo inicijativu uspostavljanja kontinuiranog programa unapređenja prevencije nasilja nad ženama koji obuhvata slijedeće:

#### **- Masovna teoretska edukacija žena**

Masovna teoretska edukacija punoljetnih žena sa fokusom na žene koje su izložene ili potencijalno ugrožene nasiljem predstavlja ključni uvodni segment preventivnog programa. Ovaj dio programa ima za cilj da polaznicama pruži znanje, razumijevanje i psihološku pripremu, kako bi mogle pravilno reagovati u rizičnim situacijama.

U uvodnom dijelu edukacije najprije je važno objasniti šta se podrazumijeva pod nasiljem. To uključuje različite oblike kao što su fizičko, psihičko, emocionalno, ekonomsko i seksualno nasilje. Poseban fokus stavlja se na prepoznavanje ranih znakova nasilničkog ponašanja, poput kontrole, izolacije, prijetnji i manipulacije. Razumijevanje ovih obrazaca omogućava ženama da ranije uoče opasnost i preduzmu preventivne korake.

Jedan od ključnih segmenata edukacije jeste upoznavanje sa pravima i dostupnim institucionalnim mehanizmima zaštite. Polaznice treba informisati o zakonima koji štite od nasilja u porodici, kao i o ulozi policije, centara za socijalni rad i sigurnih kuća. Time se jača osjećaj sigurnosti i povjerenja u sistem, te smanjuje strah od prijavljivanja nasilja.

Psihološki aspekt edukacije ima poseban značaj. Kroz ovaj segment radi se na jačanju samopouzdanja, samosvijesti i ličnih granica. Žene se podučavaju kako da jasno komuniciraju "ne", kako da prepoznaju vlastite emocije i kako da upravljaju stresom u kriznim situacijama. Također se obrađuju teme poput straha, šoka i blokade, koje su česte reakcije u situacijama napada.

Važan dio teorijske pripreme odnosi se i na procjenu rizika i izbjegavanje opasnih situacija. To uključuje razvijanje svijesti o okruženju, prepoznavanje potencijalno rizičnih mjesta i situacija, kao i donošenje sigurnijih odluka u svakodnevnom kretanju. Naglašava se da je najbolja samoodbrana često izbjegavanje konflikta kada je to moguće. Komunikacijske i deeskalacijske vještine također su sastavni dio edukacije. Polaznice uče kako verbalno smiriti konflikt, kako koristiti govor tijela i ton glasa da smanje napetost, te kako postaviti granice bez izazivanja dodatne agresije.

Ovakva teoretska edukacija stvara čvrstu osnovu za praktični dio obuke, jer omogućava ženama da razumiju kontekst u kojem će primjenjivati naučene tehnike, djeluju odlučnije i razvijaju osjećaj kontrole nad vlastitom sigurnošću.

#### **- Masovna praktična obuka samoodbrane za žene**

Na kraju teorijskog dijela uvodi se koncept samoodbrane kao kombinacije mentalne spremnosti, pravovremenog reagovanja i fizičkih tehnika. Polaznicama se objašnjava da cilj samoodbrane nije borba, već zaštita vlastitog života i integriteta, te sigurno izvlačenje iz opasne situacije.

Jedan od važnih segmenata prevencije jeste edukacija žena u oblasti samoodbrane, koja doprinosi razvoju samopouzdanja, sposobnosti procjene rizičnih situacija i pravovremenog reagovanja. Ovakvi programi ne podrazumijevaju samo fizičku obuku, već i psihološko osnaživanje, jačanje svijesti o pravima te ohrabrivanje žena da prijave nasilje i potraže pomoć.

Edukacija u oblasti samoodbrane može biti važan segment prevencije nasilja, jer ženama omogućava da prepoznaju rizične situacije, adekvatno reaguju i razvijaju osjećaj lične sigurnosti.

Kroz ove programe ne jača se samo fizička spremnost, već i psihološka otpornost, samopouzdanje i svijest o vlastitim pravima i granicama.

Sticanjem samopouzdanja žene postaju svjesnije svojih prava i granica, što može doprinijeti ranijem prepoznavanju nasilja i odlučnijem djelovanju u cilju zaštite. Iako samoodbrana nije zamjena za institucionalnu zaštitu, ona predstavlja važan alat u procesu osnaživanja žena i smanjenja njihove ranjivosti na nasilje.

**- Masovna promotivna kampanja s ciljem promocije preventivnih programa**

Masovna promotivna kampanja obuhvata korištenje svih relevantnih komunikacijskih kanala kako bi se učinkovito dosegle ciljne grupe, s fokusom na promociju preventivnih programa i podizanje svijesti o njihovom značaju u smanjenju nasilja nad ženama. Kampanja uključuje aktivnosti putem televizije, radija i internet portala, kao i društvenih mreža, uz izradu i distribuciju promotivnih materijala dostupnih široj javnosti.

**- Zaključak:**

Za uspješnu implementaciju ovakvih programa neophodna je saradnja relevantnih institucija. Ministarstvo kulture i sporta može podržati organizaciju edukacija kroz sportske centre i promotivne kampanje, Ministarstvo unutrašnjih poslova može doprinijeti kroz edukaciju o sigurnosnim aspektima, prevenciji nasilja i saradnji sa policijskim službama, dok Ministarstvo za rad, socijalnu politiku, raseljena lica i izbjeglice u saradnji sa Centrom za socijalni rad ima ključnu ulogu u pružanju podrške žrtvama, savjetovanju i povezivanju sa centrima za socijalni rad. Date aktivnosti je potrebno realizovati u saradnji sa lokalnim zajednicama, kao i sa organizacijama civilnog društva, kako bi se napravila široka platforma podrške preventivnim aktivnostima u cilju suzbijanja nasilja nad ženama.

Kroz zajedničko djelovanje gore navedenih institucija, a u saradnji sa nevladnim organizacijama, moguće je razviti sveobuhvatan program koji ne samo da unapređuje sigurnost žena, već i doprinosi smanjenju nasilja kroz edukaciju, prevenciju i jačanje samopouzdanja.

*Jelena Pekić, zastupnica  
Danijela Kristić, zastupnica*

**BOSNA I HERCEGOVINA  
FEDERACIJA BOSNE I HERCEGOVINE  
JU "KANTONALNI CENTAR ZA SOCIJALNI RAD"  
SARAJEVO, Gatačka 80**

---

Broj:31-03/01-530-1273.1/26

Datum: 01.06.2026. godine

**SKUPŠTINA KANTONA SARAJEVO**

Sarajevo,

Ul. Džemaludina Čauševića br.1

**Predmet: Obavijest po Zastupničkoj inicijativi zastupnica Jelene Pekić i Danijele Kristić, dostavlja se**

Zastupnica Jelena Pekić i Danijela Krisić u skladu sa članom 212.stav (2) Poslovnika Skupštine Kantona Sarajevo (Službene novine Kantona Sarajevo" broj:41/12-Drugi prečišćen tekst. 15/13. 47/13, 47/15, 48/16, 9/20, 14/20, 16/22, 17/22-Ispravka I 47/24), na 30. Radnoj sjednici Skupštine Kantona Sarajevo održanoj dana 05.05.2026. godine, u okviru tačke Dnevnog reda "Poslanička/zastupnička pitanja, inicijative i odgovori" uputile su zastupničku inicijativu "da se **uspostavi kontinuiran program unapređenja prevencije nasilja nad ženama kroz masovnu edukaciju, samoodbranu i javne kampanje**

Kako je JU "Kantonalni centar za socijalni rad" jedan od subjekata od koga je traženo da u okviru nadležnosti postupi po istoj, te da o učinjenom u pisanom obliku obavijesti Skupštinu, cijenili smo potrebnim

**Obavijestiti Vas:**

Da JU "Kantonalni centar za socijalni rad" izražava podršku svim aktivnostima usmjerenim na prevenciju rodno zasnovanog nasilja i unapređenje zaštite žena.

Da smatramo da je neophodno kontinuirano jačanje međuinstitucionalne saradnje svih subjekata sistema zaštite, uključujući centre za socijalni rad (službe socijalne zaštite), obrazovne ustanove, zdravstveni sektor, policijske organe, pravosuđe i organizacije civilnog društva, kako bi se preventivno djelovalo na pojavu nasilja i pravovremeno pružila podrška ženama koje su izložene nasilju.

Da u okviru svojih nadležnosti u JU "Kantonalni centar za socijalni rad" provodi aktivnosti koje se odnose na savjetodavni rad, psihosocijalnu podršku žrtvama nasilja, procjenu rizika, koordinaciju sa drugim institucijama, kao i mjere zaštite djece i porodice. Također, iskustva iz prakse ukazuju na značaj dodatne edukacije građana o prepoznavanju ranih oblika nasilja, mehanizmima zaštite i dostupnim oblicima institucionalne pomoći.

Kada je riječ o prijedlogu organizovanja masovnih edukacija i praktičnih obuka samoodbrane za žene, smatramo da navedene aktivnosti mogu imati pozitivan doprinos osnaživanju žena, podizanju svijesti o ličnoj sigurnosti i jačanju preventivnog djelovanja. Međutim, ističemo da odgovornost za sprečavanje nasilja **mora ostati primarno usmjerena na počiniocima nasilja i efikasnost institucionalnog sistema zaštite, a ne isključivo na individualne kapacitete žena da se zaštite.**

Podržavamo provođenje javnih kampanja usmjerenih na:

- podizanje svijesti o neprihvatljivosti svih oblika nasilja,
- promociju dostupnih servisa podrške,
- osnaživanje prijavljivanja nasilja,
- edukaciju građana o faktorima rizika i zaštitnim mehanizmima,
- promociju nenasilne komunikacije i zdravih partnerskih odnosa.

Smatramo da bi realizacija ovakvih programa zahtijevala planski, multisektorski i dugoročan pristup, uz osiguravanje finansijskih i kadrovskih kapaciteta, kao i uključivanje stručnjaka iz oblasti socijalne zaštite, psihologije, sigurnosti, obrazovanja i nevladinog sektora.

JU "Kantonalni centar za socijalni rad" ostaje opredijeljen za aktivno učešće u svim inicijativama koje imaju za cilj prevenciju nasilja nad ženama i unapređenje sistema zaštite žrtava nasilja u porodici i rodno zasnovanog nasilja.

Posebno ističemo da efikasnost sistema zaštite od nasilja u porodici i rodno zasnovanog nasilja u značajnoj mjeri zavisi od kadrovskih i organizacionih kapaciteta institucija koje postupaju u ovim predmetima. Dugogodišnji nedostatak stručnog kadra u JU "Kantonalni centar za socijalni rad" i sigurnosnim strukturama (MUP KS) predstavlja ozbiljan izazov u pravovremenom i kvalitetnom odgovoru na slučajeve nasilja.

S tim u vezi, smatramo izuzetno značajnim razmotriti ukidanje, odnosno ublažavanje postojećeg moratorija na zapošljavanje u Kantonu Sarajevo, posebno kada su u pitanju JU "Kantonalni centar za socijalni rad" i Ministarstvo unutrašnjih poslova Kantona Sarajevo. Dodatno kadrovsko osnaživanje ovih institucija omogućilo bi efikasniji terenski rad, brže postupanje po prijavama nasilja, kvalitetniju procjenu rizika, intenzivniji savjetodavni i preventivni rad, kao i kontinuirano praćenje porodica u riziku.

JU "Kantonalni centar za socijalni rad" se u svakodnevnom radu suočava sa velikim brojem složenih predmeta, pri čemu stručni radnici istovremeno postupaju u velikom broju predmeta nasilja, zanemarivanja, porodičnih konflikata i drugih kriznih situacija. Jačanje stručnih timova kroz zapošljavanje dodatnog broja socijalnih radnika, psihologa, pedagoga i pravnika doprinijelo bi kvalitetnijoj zaštiti žrtava i efikasnijem provođenju zakonom propisanih mjera.

Takoder, adekvatno kadrovsko jačanje policijskih službi predstavljalo bi važan segment unapređenja koordiniranog institucionalnog odgovora na nasilje u porodici, posebno u dijelu hitnog postupanja, procjene sigurnosnog rizika i provođenja zaštitnih mjera.

S poštovanjem,

**Dostavljeno:**

1. naslovu
2. a/a

  
Dražanka Os  
og rada